

詞

綜

補

遺

詞綜補遺卷十一

長洲陶樸緝

宋詞五十一首

衛宗武 五首

徐儼夫 一首

馮去非 三首

陳合 一首

徐霖 一首

黃應武 一首

曾宏正 一首

柴望 五首

王玉 一首

鍾過 一首

翁孟寅 五首

黃載 五首

周端臣 四首

曹遵 六首

陳郁一首

丁宥一首

宋自遜一首

杜良臣一首

儲泳一首

陳璧三首

陳東甫二首

嚴參一首

衛宗武

字淇父自號九山華亭人淳祐間歷官尚書郎出知常州罷歸有秋聲集六卷詞附

按張之翰秋聲集序稱九山墓宿草已六白是年爲至元甲午則九山當卒于至元己丑距宋已閱十年故焦竑國史經籍志以秋聲集列入元人然九山當屋社之後息影邱園未嘗櫻懷圭組仍當屬之滄桑遺老也

水調歌頭

風雨捲春去紅紫總無餘窈窕一川芳渚軟草接新蒲

楊柳垂垂飄絮桑柘陰陰成幄殷綠正荼敷遷木鶯呼
友營壘燕將雛金蕉舉珠櫻累豆梅腴壽鄉歌舞樽
前暫得皺眉舒往事南柯印綬晚歲北山杖履寂寞笑
今吾幸作者年侶寫入洛英圖

摸魚兒

小園晚春

小林巒一年芳事亂紅還又飛雨生香冉冉花陰轉雲
擘滿空晴絮遊燕處看樂意相關庭下胎仙舞歌聲緩
度任圓玉敲寒飛觴傳曉未許放春去閒中趣明月
清風當戶莘莘容屋陳俎剪裁妙語頻賡唱巧勝郢斤
般斧心自許拚凋景頽齡爲鶯儔燕侶同盟會取共花

言部不送卷一
下小車竹間三徑長作老賓主

又
疊前韻

見春來又將春盡狂風那更癡雨一番芳徑催人老
回首綠楊飄絮歡會處有小小亭池止欠妙歌舞光陰梭
度對草木幽姿候禽雅奏客至未應去十年裏冷落
翟公門戶朋來草草樽俎投閒贏得浮生樂肯羨油幢
繡斧春幾許任洛譜名葩留燕耆英侶浮榮競取縱帶
玉圍腰印金繫肘爭似鶯花主

木蘭花慢
和堊渡賦菊

聚林園芳景盡輸韓圃陶籬任雨虐風饕露凝霜壓叢

木離披正色幽香不減與冬蘭並秀結心知天賦花中
名節不教桃李同時清奇秋後尤宜浮卉盡尙芳菲
稱處士庭除先生簡冊聲續吾伊便好竹間松下擅晚
芳長伴歲寒姿懊恨擣尊已晚明年來把花枝

酹江月

山中霜寒有作

露珠凝聚夜更長寒壓一牀衾重局縮龜藏燈晃悄明
滅銀釭欲凍鼻觀流珠肌紋浮粟敲枕難成夢明蟾交
映一枝清影梅弄曉見黃隕丹空但瓊華點綴萬梢
森聳橘柚香來分好景書後儘堪題送青女呈工玉妃
傳信漸六雲飛動瑞花盈晝青青疊嶂銀湧

徐儼夫

字公望號桃渚平陽人淳祐元年進士第一官至禮部侍郎

俞文豹吹劍錄外集紹興戊辰王佐爲狀元
慶元丙辰莫子純爲狀元皆越人嘉定丁丑
狀元吳履齋潛淳祐辛丑狀元徐公望儼夫
至己酉年履齋帥越徐在別榻會鹿鳴宴僚
屬作樂語皆不愜意履齋乃自草之末云對
丁丑辛丑之狀元座中盛事繼戊辰丙辰之
舉首鄉曲美談

西江月

曲折迷春院字參差近水樓臺吹簫人去燕歸來空有
落梅香在 花底三更過雨酒闌一枕驚雷明朝飛夢
隔天涯腸斷流鶯聲碎

馮去非

字可遷號深居南康都昌人淳祐元年進士
幹辦淮東轉運司寶祐四年召爲宗學諭丁

大全爲左諫議三學諸生叩閣言不可帝下
詔禁滅立石三學去非獨不肯書名碑下未
幾大全簽書樞密院
去非罷歸宋史有傳

愚見紀忘云宋時內樓五更絕柳鼓交作謂
之蝦蟆更禁門方開百官隨入所謂六更也
馮去非詩云春風吹送笑談香玉漏銀鐙破
夜涼歸去東華聽宮漏杏花落盡六更長
按史稱去非罷歸舟泊金焦山有僧上謁乘
間致大全意願毋遽歸少俟收召去非正色
日程丞相蔡參政牽率老夫至此今歸廬山
不復仕矣斯言何爲至我觀詞中故山猿鶴
諸語恬退之志自然流露殆淵明所謂稱心
而言也

入聲甘州

見陽春白雪

買扁舟載月過長橋回首夢耶非問往日三
高淸風萬
古繼者伊誰惟有茶烟輕颺零露濕蕤絲西子知何處

鴻怨蛩悲 遙想家山好在正倚天青壁石瘦雲肥甚
拋奇耽秀猿鶴互猜疑歸去好散人相國迥升沈畢竟
總塵泥須還我松間舊隱竹上新詩

點絳脣

秋浦孤篷翠蒲紅蓼留人住一簾香縷邊影驚鴻度

小據胡床舊事新情緒憑誰訴蠟燈犀塵擬共西風語

喜遷鶯

涼生遙渚正綠芰擎霜黃花招雨雁外漁邨

一作燈 蛩邊

蟬舍絳葉表秋來路世事不離雙髻遠夢偏欺孤旅送

望眼但憑闌微笑書空無語

慵覷

一作看

清鏡裏十載

征塵長把朱顏汚借箸青油揮毫系塞舊事不堪重舉
問淵故山猿鶴冷落同盟鷗鷺倦游也便檣雲拖月浩
歌歸去

陳

合

字惟善長樂人淳祐四年進士歷官禮部侍郎起拜端明殿學士簽書樞密院諡文惠

隱居通議總貽時魯港師潰賈師憲奔揚州上章待罪詔降三官罷爲醴泉觀使陳惟善方直玉堂草制其戒詞有曰膚戎狄懲荆舒朕無望周公之事率秦師雪恥恥爾尙蓋孟明之羞蓋護師憲以周公自許也

寶鼎現

壽賈師憲

見齊東野語

神鼇誰斷幾千年再乾坤初造筭當日枰棋如許爭一
著吾其稚左談笑頃又十年生聚處處幽風葵聚江如

鏡楚氛餘幾猛聽甘泉捷報 天衣細意從頭補爛山
龍華蟲黼藻宮漏永千門魚鑰截斷紅塵飛不到六街
九執看千貂避路庭院五侯深鎖好一部太平六典一
一周公手做 赤烏繡裳消得道斑斕衣好儘麗眉鵲
髮天上千秋難老甲子平頭纔一過未識汾陽考看金
盤露浦瑤池龍尾放班回早 按詞中左補綴倣等韻純用閩音與四朝間見錄所載林外一詞同

徐霖

字景說號經畝西安人淳祐四年試禮部第一授沅洲教授擢秘書省正字遷著作郎乞

補外知撫州景定二年知汀州卒宋史有傳

癸辛雜識趙汝騰爲從官力薦三衛徐霖爲著作郎至比之范文正公而霖舉止頗怪妄

自尊大舜之無忌憚皆汝騰縱其狂至目汝
騰爲大宗師已爲小宗師還相汝引雞旣使
逐汝騰亦不自安遂求補外

長相思

凡陽春白雪

聽鶯聲惜鶯聲客裏鶯聲最有情家山何處青 問歸

程數歸程行盡長亭又短亭征衫脫未成

按景說以淳祐十二年出

知撫州未幾以言事罷歸詞當作於是時次年改元寶祐復有鄧州之命未句征衫脫未成亦詞識也

黃應武

百字令

欽署淳祐號五月一日黃應武景行同劉子真候時舉廖彥植吳漢卿譚謙夫簡

衡甫郭溫夫霍慶昌霍元善遊白龍洞景行賦詞子真命工刻于石 見臨桂元巖石

刻

乾坤開闢桂林有元氣自來融結石磴盤空行木杪天
柱屹然中立窟宅幽深泉源清遠不是靈神擘潛通後
洞張劉萬古遺跡輸我長劍凌虛六塵盡掃銀海秋
波碧志氣飄飄遊物外惟有清風知得與起白龍護持
颺馭稽首朝金闕山靈欣喜紫雲已在詩壁

曾宏正

臨江人

水調歌頭

效署臨江曾宏正作同遊崇仁吳湜廬陵楊壽慈三山陳華子羽士李可道子

公邁公适侍淳祐癸卯九月望

風月無盡藏泉石有膏肓古今桂嶺奇勝騷客費平章
不假鬼謀神運自是地藏天作圓魄鎮相望舉首吸空

翠赤脚踏滄浪 驚龍臥攀棲鵲鷺鷺鳳秋爽一天涼

露桂子更飄香坐我水精宮闕呼彼神仙伴侶大杓挹

瓊漿主醉客起舞今夕是何鄉

按詞刻臨桂水月洞跋云先曾祖自宋提點湖

南刑獄淳祐癸卯調廣西運使家藏文集知有留題惜不能挾其地迨夫驥備員臨桂至馬玉慈氏閤水月白龍諸洞得觀先公題詠遺跡距今百年其題楹者幸完刻石者筆法間失其舊仰瞻留玩感慨係之乃捐已俸命工鐫泐以永方來大元至正二年壬午夏月曾孫承務郎靜江路臨桂縣尹兼勸農事夫驥同曾姪孫直方元孫義存子成存拜手謹書

柴望

字仲山號秋堂又號歸田江山山人嘉熙中爲太學生除中書奏名淳祐六年丙午日食詔

求直言上丙丁龜鑑逮下詔獄尋放歸景炎二年薦授史館編校宋亡後自號宋逋臣與

從弟通判隨亨制參元亨察推元

彪居樸林九礫間稱柴氏四隱

蘇幼安柴秋堂墓誌秋堂放歸田里設祖道
湧金門外者爲三山鄭震邵武吳陵建安葉
元素松溪朱繼芳錢塘翁孟寅田井陳麟黃
漆南康馮去辨西江趙崇嶠曾原一盱江黃

載汶陽周弼各賦詩爲別

柴氏四隱集載秋堂靈芝寺別祖席諸友詩
云落日寒城暮雨餘滿斟離酒意何如見妻
還指張儀舌痛國誰憐賈誼書羸馬病童旋
羅倩寺禽山猿亦欷歔長安可是深居處更
向深山深處居

念奴嬌

見陽春白雪

春來多困正日移簾影銀屏深閉喚夢幽禽柳外驚
斷巫山十二宿酒初醒新愁半解惱得成憔悴蓬鬆雲
鬢不忺鸞鏡梳洗門外滿地香風殘梅零亂玉糝蒼
苔碎乍暖乍寒渾莫擬欲試羅衣猶未闌草雕闌買花

深院做踏青天氣晴鳩鳴處一池昨夜春水

摸魚兒

登嚴州西樓

望長江幾分秋色三分渾在烟雨傷心已怕江南樹那
更暮蟬如語帆且住試說著羊裘釣雪今何許魚龍自
舞但一舸蘆花數聲羌笛鷗鷺自來去年年恨流水
朝朝暮暮天涯長歎飄聚衾寒不轉鈞天夢樓外誰歌
白紵君莫訴君試按秦箏未必如鍾呂鄉心最苦算祇
有娟娟馬頭皓月今夜照歸路

桂枝香

今宵月色歎暗水流花年事非昨瀟灑江南似畫舞楓

言終不盡卷十一
飄杳誰家又唱江南曲一番聽一番離索孤鴻飛去殘
霞落盡怨深難托又腸斷丁香畫雀記牡丹時候歸
燕簾幙夢裏襄王想念王孫飄泊如今雪上蕭蕭髻更
相思連夜花發柘枝猶在春風那似舊時宋玉

齊天樂

淒淒楊柳瀟瀟雨悄窓怎禁滴瀝思裏傳蜚愁邊落雁
多少東吳山色知他恨極料爲我窓前強鳴刀尺竟日
西風那堪無寐更鄰笛黃花開遍未也花開應笑我
年少難覓灞上長安口口渭水都把韶華暗擲何人碎
璧尙衰草連天暮烟凝碧怕說相思撼風墮夜寂

祝英臺近

丁巳暮春訪楊西村湖上懷舊

見

小船兒雙去。鴈紅濕海棠雨。燕子歸時。芳草暗南浦。自
從翠袖香消。明璫聲斷。怕回首舊尋芳處。向誰語。可
憐金屋無人。冷落鳳簫譜。翠入菱花蛾眉爲誰嫵。斷腸
明月天涯。春風海角。恨不做楊花飛去。

王 玉

字寧翁

柴望秋堂遺稿。石頭寺和王寧翁韻。云懷鄉
弔古。易傷心。絕頂危亭。共客臨朝市。幾經兵
火。後山川轉覺樹雲深。百年歌舞。空臺沼。六
代豪華。漫陸沈。惟有亂鴉歸去。晚夕陽無限。
暮城陰。

朝中措

見陽春白雪

楊花繞畫暖風多晴雪點池波戲數翠萍幾靨零星未
礙圓荷軟人天氣半如溽暑半似清和說與香篝繡
火酒痕梅却衣羅

鍾

過

字改之號梅心廬陵人
中寶祐三年乙卯解試

步蟾宮

見絕妙好詞

東風又送酴醾信蚤吹得愁成潘鬢花開猶似十年前
人不似十年前俊水邊珠翠香成陣也消得燕窺鶯
認歸來沈醉月朦朧覺花氣滿襟猶潤

翁孟寅

字賓陽號五
峰錢塘人

四朝聞見錄翁中丞彥國建之崇安人子謙
之進士孫孟寅嘗首臨安鄉薦

吳文英夢窓乙亥江城子送翁五峯自宦江
還都云西風一葉送行舟淺遲留艤汀洲新
浴紅衣綠水帶香流應是離宮城外晚人聲
立小簾鉤新歸重省別來愁黛眉頭半痕秋
天上人間斜月繡針樓湖浪莫迷花蝶夢江
上釣負輕鷗

陳允平西麓詩藁寄翁實賜云歷歷長途謁
魯侯征塵寧復戀貂裘江城露冷霜初滑海
谷冰消水欲流夜月觀鰲背徐憚春風聽樂
仲宣樓料君頻夢會憶孤山有舊遊

燭影搖紅

見陽春白雪

樓倚春城瑣窓曾共巢春燕人生好夢比

絕妙好詞作逐春風

不似楊花健舊事如天漸遠奈情絲牽愁未斷鏡塵埋

恨帶粉栖香曲屏寒淺

環佩空歸故園羞見桃花面

輕烟殘照下闌干獨自珠簾捲一信狂風又晚海棠花

隨風滿院亂鴉歸後杜宇啼時一聲聲怨

阮郎歸

月高樓外柳花明單衣怯露零小橋燈影落殘星寒烟
蘸水萍歌袖窄舞鬟輕梨花夢滿城落花啼鳥兩無
情春愁添曉醒

齊天樂

幽香不受春料理青青尙餘秋髻礪曲巖隈烟梳露浴
甘與菰蒲共隱芳標瘦迥看纓結丁香帶縈晴荇恨水
東流楚江憔悴亂雲暝淒涼夢遊故苑縱妒花風暴
吹夢難醒豔李天桃紆青佩紫爭似廣文官冷塵波萬

頃算誰是同心自憐孤影收斂風流素絃清夜永

又 元夕

紅香十里銅駝夢如今舊游重省節序飄零歡娛老大
慵立燈光蟾影傷心對景怕回首東風雨晴難準曲巷
幽坊管絃一片笑聲近 飛棚浮動翠葆看金釵半溜
春妒紅粉鳳輦鰲山雲收霧斂迤邐銅壺漏迥霜風漸
緊展一幅青綃淨懸孤鏡帶醉扶歸曉醒春夢穩

摸魚兒

捲西風方肥塞草帶鉤何事東去月明萬里關河夢吳
楚幾番風雨江山路二十載頭顱凋落今如許涼生弄

塵歎江左夷吾隆中諸葛談笑已塵土 寒汀外還見

來時鷗鷺重來應是春暮輕裘峴首陪登眺馬上落花

飛絮拚醉舞誰解道斷腸賀老江南句河津少駐舉目

送飛鴻幅巾老子樓上正凝佇浩然齋雅談賓賜嘗遊維揚賈師憲開帷間甚

前席之其歸又置酒以餞賓賜卽席賦此詞師憲大喜舉席問飲器凡數十萬悉以贈之

黃

載

字伯厚號玉泉南豐人受子仕至廣東兵馬鈐轄

隱居通議玉泉爲京西提刑寶章朱公夢吉之壻以詩得名于嘉熙淳祐間受知于丞相鄭忠獻公清之集名蜡社歌餘有鍾馗觀鬼門蟆圖傳誦一時

畫錦堂

牡丹

見陽春白雪

麗景融晴浮光起畫王妃信意尋春笑酒盃翻手滿地

祥雲寶臺艷麗文綃帕郎官嬌舞鸞金裙嫣然處況是
生香微濕膩臉餘醺暖烘肌欲透愁日炙還銷風動
成塵細爲品歸雪調度與朱脣翠幃晚映真圖畫金蓮
夜照越精神欲拚醉回首夕陽流水碧艸如茵

隔浦蓮

荷花

瑤妃香透戰冷竚立青銅鏡玉骨清無汗亭亭碧波千
頃雲水搖扇影炎天永一國清涼境晚妝靚微酣不
語風流幽恨誰省沙鷗小事看到睡鴛雙醒蘭棹歌遙
隔浦應催暝藕絲繁斷歸艇

孤鸞

四明後圃石峯之下小池之上有梅花

冰心孤寂戀幾插靈峰半泓寒碧骨瘦和衣薄清絕成
愁極蕭然滿身是雪怕人知鏡中消息獨向百花夢外
自一家春色 記羅浮幽夢渾如昔有浸眼鯨波倚雲
丹壁夜醉空山酒呌裂橫霜笛回頭洞天未曉但迢迢
江南水驛飲散東風落月正海山浮碧

碧字韻複舊本
如是仍之

東風第一枝

探梅

迅影彫年嫩晴蕢暖意行間詠春色不知春在誰家闌
香慢攏玉勒一枝竹外似欲訴經年相憶奈情多難剪
愁來寂寞水寒烟碧 吟正好悲笳喚恨酒正殢夕陽
催客殷勤片月飛來更隨暗香細索橫斜瘦影看盡未

閒時消息爲春來還怕春多腸斷夜闌霜笛

洞仙歌

姑蘇舊臺在三十里外今臺在胥門上次澄紫岩韻

吳宮故壘是天開圖畫縹緲層雲出飛榭隱隱樓空翠
嚙水遶蕪城平疇迥點染霜林彫謝越來溪上雁聲
切闌干似覓胥門怨吳霸屬鏤沉香溪斷夢散雲空千
羊外等是漁樵閒話但極目荒臺鬱蒼烟衰草裏又還
夕陽西下

周端臣

字彥良號葵憲建業人

武林舊事御前應制周葵憲端臣曹松山進陳藏一郁

釋斯植采芝集挽周彥良詩云白首功名未十年寡妻相弔泣江干詩名似水聲還遠世

言系不卷二
事如雲夢已殘楊柳滿隄人去後海棠深巷
雨初乾東風忽起青山淚雖有君書不忍看

春歸怨

越調

見陽春白雪

問春爲誰來爲誰去匆匆太速流水落花夕陽芳草此
恨年年相觸細履名園閑看嘉樹藹翠陰成簇爭知也
被韶華換却詩人髩邊綠小花深院靜旋引清尊自
歌新曲燕子不歸來風絮亂吹簾竹誤文姬凝望久心
事想勞頻卜但門掩黃昏數聲啼鴉又喚起相思一掬

清夜遊

越調

西園昨夜又一番闌風伏雨清晨按行處有新綠照人
亂紅迷路歸吟窓底但瓶几留連春住窺晴小蝶翩翩

等閒飛來似相妒 遲暮家山信杳奈錦字難憑清夢
無據春盡江頭啼鵲最悽苦薔薇幾度花開誤風前翠
尊誰舉也應念留滯周南思歸未賦

玉樓春

見前賢小集拾遺

華堂簾幕飄香霧 一搦楚腰輕束素 翩跹舞態燕還驚
綽約妝容花盡妒 尊前謾詠高堂賦 巫峽雲深留不
住 重來花畔倚闌干 愁滿闌干無倚處

木蘭花慢

送人之官九華

鶯芳陰未解 乍天氣過元宵 訝客袖猶寒 吟窓易曉 春色無聊
梅梢尚留 顧藉滯東風 未肯雪輕飄 知道詩翁

言系系卷一
欲去遞香要送蘭橈 清標會上蕞霄千里阻九華遙
料今朝別後他時有夢應夢今朝河橋柳愁未醒贈行
人又恐越魂銷留取歸來繫馬翠長千里柔條

曹

遵

字擇可
號松山

按遵爲賈似道客感淳臨安志龍泓洞題名
期而不至者有鄭泌安劉翁孟寅趙希彭曹
良朋曹遵

玲瓏四犯

茶藤應制

見陽春白雪

一架幽芳自過了梅花獨占清絕露葉檀心香滿萬條
晴雪肌素靜洗鉛華似弄玉乍離瑤闕看翠蚪白鳳飛
舞不管暮鴉啼鴂 酒中風格天然別記唐宮賜尊芳

列玉粧與得餘春住猶醉迷飛蝶天氣乍雨乍晴長是
伴牡丹時節夜散瓊樓宴金鋪深掩一庭春月

齊天樂

和翁時可悼故姬

翠簫聲斷青鸞翼心期口釵誰表夜燭銀屏春風粉袖
猶記琵琶斜抱瑤池路杳恨巫女回雲月娥沉照謾說
蓬萊玉環花貌夢難到巖花亭院乍冷更蛩吟風碎
鴻飛烟渺綠玉彈棋紅牙按拍樂事歡情終少劉郎未
老要髣髴翼堆元腕酥凝皓莫忘香期綠羅裙帶草

瑞鶴仙

爐烟消篆碧對院落秋千晝永人寂濃春透花骨正長

紅小白暈香塗色銅駝巷陌想游絲飛絮無力念繡窻
深鎖紅鸞虛度禁烟寒食空憶象牀沈水鳳枕屏山
帶歡尤惜粉香狼籍海棠下東風急自秦臺簫咽漢皋
珮冷斷雨零雲難覓但杏梁雙燕歸來似曾舊識

蘭陵王

雨中登龜谿乾元寺閣賦

杏花坼烟柳藏鴉翠陌蘼堤上人正踏青嫩草茸茸襯
羅袂遊絲挂晴塔十里酣紅艷白秋千外嬌靨笑春一
片笙簫倚霞碧阿香妒傾國把鏡日深奩絲雨愁織
崇桃積李無顏色但蝶粉香漬燕泥芹冷紫錢芳暈弱
寶瑟悵還近寒食岑寂恨無極更酒驛孤烟碁院長

日梨花滿地春狼籍望鳳闕波渺燕臺雲隔凭闌干晚
吟袖濕但笑拍

惜餘妍

被召賦二色木香

同根異色看鏤玉雕檀芳艷如簇秀葉玲瓏嫩條下垂
修絲禁華深鎖清妍香滿架風梳露浴輕盈便似覺醺
醺格調粗俗蜂黃間塗蝶粉疑舊日二喬各樣妝束
費却春工門合靚芳穠馥翠華臨檻清賞飛鳳畔休辭
醉玉晴晝鎖貯瑤臺金屋

宴山亭

被召賦繡毬

香月玲瓏柔風鏤刻嫩綠枝頭圓膩飛梭艷宇絮柳池

塘獨立萬紅塵外戲舞千團訝粉羽留連春媚非是看
滾雪拋瓊鏡鸞相倚 唐昌仙館風流有霞洞藏花紺
鬢玉蕊雕闌占賞禁苑承恩難比太平瑤卉遍插金瓶
更移近寶猊烟翠堪愛只少箇鴛鴦繡帶

陳 郁

字仲文號藏一臨川人理宗時充緝熙殿應
制又充東宮講堂掌書兼撰述著話腴四卷
李祉陳盼兒傳庚申八月太子請兩殿幸本
宮清霽亭賞芙蓉木樨韶部頭陳盼兒捧牙
板歌尋尋覓覓一句上曰愁悶之詞非所宜
聽可令陳藏一撰一卽景快活聲聲慢
毛翊吾竹小藁陳藏一山房云一室焚香卽
太初萬人如海儘從渠第於心上曾無著何
必山中始可居垂簾護花嫌引蝶連筒汲井
怕生魚草元政不妨人事問字敲門未可踈
按藏一子世崇謨隨隱漫錄述度宗贊其父
像有文窺西漢詩到盛唐之語劉壎水雲邨

泯稟觀度宗御批令藏一進世宗詩文稟跋
云度宗在春官時盛年潛躍汲汲斯文惜不
遇圖綺羽翼乃下訪藏一父子之卑陋蓋深
致不滿之詞焉

按劉一清錢唐遺事賈似道當國時陳藏一
作咏雪念奴嬌一闕以譏之其詞鄙俚置不
復錄

聲聲慢 應制賦芙蓉木樨

澄空初霽暑退銀塘冰壺雁程寂寞天闕清芬何事早
飄岩壑花神更裁麗質漲江波一奩梳掠涼影裏算素
娥仙隊似曾相約 閑把雨花商畧開時候羞趁觀桃
堦藥綠幕黃簾好頓膽瓶兒著年年粟金萬斛拒嚴霜
錦綵圍幄秋富貴又何妨與民同樂

丁

宥

字基仲
號宏菴

夢窻甲橐高山流水丁基仲側室善絲桐賦
詠曉達音律備歌舞之妙云素絃一一起秋
風寫柔情都在青葱徽外斷腸聲霜霄暗落
驚鴻低翼處剪綠裁紅仙郎伴新製還廣舊
曲映月簾櫳似名花並蒂日日醉春濃吳
中空傳有西子應不解換羽移宮蘭蕙滿襟
懷唾碧總噴花茸後堂深想費春工客愁重
時聽蕉寒雨碎淚濕瓊鐘恁風流也稱金屋
貯嬌慵

絕妙好詞箋基仲水龍吟
錦又云悵芙蓉城杳當是悼其側室而作觀
夢憲詞可證也

水龍吟

見陽春白雪

鴈風吹裂雲痕小樓一線斜陽影殘蟬抱柳寒蛩入戶
淒音忍聽愁不禁秋夢還驚客青鐙孤枕未更深早是

梧桐泣露那堪度蘭宵永 空歎銀瓶智井醉鄉醒溫
柔卿冷征塵倦撲閑花漫舞何心管領葱指冰絃蕙懷
春錦楚梅風韻恨芙蓉城杳藍雲依黯鎖巫峯暝

宋自遜

字謙父金華人自
適弟號壺山居士

梅磭詩話宋謙甫萍詩云苦無根蒂逐波流
風約纔稀雨復稠舊說楊花能變此是他種
子已輕浮蚊詩云朋比趨炎態度輕禦人口
給屢憎人雖然暗裏能鑽刺貪不知幾竟殺
身皆不專詠物

濂奎律髓慶元嘉定以來乃有詩人爲謁客
者干求一二要路之書謂之潤園副以詩篇
動獲千萬緡宋謙父一謁賈似道獲楮幣二
十萬以造華居是也

賀新郎

雪堂弔東坡

見陽春白雪外集

言集卷十一
喚起東坡老問雪堂幾番興廢斜陽衰草一月有錢三十塊何苦抽身不早又抵用北門摘藻儋耳蠻烟添老色和陶詩翻被淵明惱畢竟是忘言好 周郎英發人間少漫依然烏鵲南飛山高月小歲月堂堂留不住此世何時是了算不滿英雄一笑我有豐淮千斗酒把新愁舊恨都傾倒醉吹笛到天曉

杜良臣

皇宋書錄杜良臣字子卿豫章士人也善小篆見重一時趙銳者幼與子卿友善嘗謂余言子卿幼日見憲紙有篆字者亦輒割而取之可以見其嗜學也同時又有漆遂良者亦博洽飽學人稱漆杜云

三姝媚

見陽春白雪

花浮深岬樹迎新曦窻影細觸浮塵映葉青梅記共折
南枝又及嘗新駐屐危亭烟墅杳風物撩人虹外斜陽
留晚鶯邊落絮催春 心事應辜桃葉但自把新詩徧
寫修筠恨滿芳洲倩晚風吹夢暗逐江雲慢撚輕攏幽

思切清音誰問謾有鴛鴦結帶雙垂繡巾

按三姝媚詞律只載仄韻

二調此獨用平且句調多不合當是又一體詞律霜葉飛只載夢窻一調玉田作收處少一字且上段句法不同起句四字亦失註叶又如側犯後段本作四字四句姜白石精於律呂尾句云寂寞劉郎自修花譜與周美成同此作紅友因聽字同韻遂臆爲二字句又云白石之寞字借作暮字強作解事可笑也偶與蒲弱老人商訂詞譜舉及紅友之陋並記於此

儲 泳 字文卿號華谷僑寓華亭著有詩家鼎鑪及祛疑說

齊天樂 見陽春白雪

東風一夜吹寒食枝頭片紅猶戀宿酒初醒新吟未穩
凭久闌干留暖將春買斷恨苦逕榆堦翠錢難貫陌上
秋千相逢那認舊時伴 輕衫粉痕褪了絲緣餘夢在
良宵偏短柳線經烟鶯梭織霧一片舊愁新怨慵拈象
管待寄與深情難憑雙燕不似楊花解隨人去遠

陳 璧 字雲厓亦作芸

按江湖後集儲文卿送陳雲厓詩云詩價侯門賤時情客路輕談在庵有摸魚兒詞懷雲厓東甫游湘潭作與王樓春詞湘流寄恨語相合在庵詞云多情記把香羅袖殘粉半沾

荆樹知東甫爲雲匪昆季行也
四朝聞見錄載寧皇試宏博之士時徐鳳少

監與今宗簿劉潛然俱試主司出唐厯入變
序秘書陳璧間卷陳素不習詞學閱劉卷方
以用山河厯事爲疑又問徐卷謂非正史所
載劉徐俱黜當是另屬一人

踏莎行

見陽春白雪

江濶天低樓高思迥春烟黯淡如秋景今年芳草去年
愁分明又報明年信燕子還來歸期未定可堪醉夢
紅塵境世間萬事儘銷磨水流不盡青山影

謁金門

春晝永接葉鳴禽相應風定落紅香一逕疎疎窻竹影
寂寞年時酒病遠笛悠悠吹醒閑上層城天又暝雲

山青不盡

玉樓春

瓊奴家與章臺並路遠可憐歸夢近被頭浪語臉紅香
鏡面頻思眉翠暈年年花月年年病花月無情人有
恨欲將此恨寄湘流又恐湘流流不盡

陳東甫

人
撫州

雪磯敲棹贈別陳東甫呈尙書鍾公云洞庭
濯足共題詩今聽驪駒話別離泣玉可能悲
卞子買金只合鑄鍾期荷盤剪綠須栖口鷺
頂分絲補接離斗酒疑肩聊自壯古來騷客
例寒飢又云陳東甫酒間舉歸心只有杜鵑
知之句猶未成篇因爲續之歸心只有杜鵑
知且倚裴亭共撚髭客路秋風吹杜若故園
春雨老辛夷家貧未辦閒居賦世濁空吟賦

高詩選迨江湖還別去岸花橋燕雨堪悲

長相思

見陽春白雪

花深深柳陰陰度柳穿花到信音君心負妾心怨鴉
琴恨孤衾釧誓釵盟何處尋當初誰料今

望江南

芳思遠南苑惜春時翠柳枝柔金笛怨碧桃花老玉笙
悲風日正遲遲

嚴

參

字少魯自號三休居士邵武
人與犀羽嚴仁稱邵武三嚴

沁園春

見歷代詩餘

日歸日歸歸去來兮吾將焉歸但有東籬菊有西園桂

有南溪月有北山薇蜂則有房魚還有穴蟻有樓臺獸
有依吾應有雲中舊隱竹裏柴扉 人間征路熹微看
處處丹楓白露晞况寒原衰草牛羊來下淡烟秋水鱣
鰕初肥自笑平生頽然骨相只合持竿坐釣磯都休也
對西風無語落日斜暉

詞綜補遺卷十二

長洲 陶樑 緝

宋詞六十六首

利登 十首

李演 六首

劉澗 四首

趙與洽 二首

万俟紹之 三首

張紹文 四首

史衛卿 一首

黃中 一首

蘇茂一 三首

丁默 三首

姚勉 四首

陳著 九首

羅椅 三首

李振祖 一首

李曾伯 二首

陳策 二首

趙潛 二首

葉間 一首

廖瑩中 一首

趙從橐 一首

郭船安 一首

李重元 一首

李天山 一首

利登 字履道號碧湖金川人有散藁一卷

隱居通議履道宮於臨川道上得詩云晚覺
脩冠誤力耕已不任風雲入書史日月送烟
林古來一日義人子百年心清風過天下欲
棲無寸陰太息復太息孤雲生暮岑興致高
潔非江湖可跋及也尤工長短句如自況云
花外湖回鷺邊虹去掠寒江千里賦虞美人
云當時養士知何計總把降幡去漢家王氣
塞乾坤一樹盈盈不爲漢家春意度彌佳他

詞盈快麗語屑出但兒女情多終傷正氣耳
履道家盱城西門以禮記擢第仕止寧都尉

風入松

見陽春白雪

斷蕪幽樹際烟平山外更山青天南海北知何極年年
是匹馬孤征看盡好花結子暗驚新笋成林歲華情
事苦相尋弱雪鬢毛侵十千斗酒悠悠醉斜河界白月
雲心孤鶴盡邊天澗清猿啼處山深

綠頭鴨

晚春天柳絲初透晴烟黯離懷綠房深處艷遊曾記當
年觀龍綃亭亭玉樹步鴛鴦窄窄金蓮燒蜜調蜂翦花
挑蝶香雲微濕綠鬢鬟嬉游困倚郎私語還愛撫郎肩

共攜手海棠院左翡翠屏邊 恨無情錦籠鸚鵡等閑
輕語花前昔相憐關山咫尺今相望咫尺關山是妾心
關是郎意嬾是郎無分妾無緣都休問金枝雲裏何日
跨金鸞深盟在香囊暗解終值雙鴛按隱居道議履道
嘗有所屬意者中
更曠阻賦玉臺體數十篇以寄興此詞及過秦樓一闕
均爲緣情之作

菩薩蠻

玉闌干外重簾曉流雲欲度長天遠花草不知名春來
各自春 綠鞍遊冶客何處垂楊陌不信不歸來海棠
花又開

水調歌頭

日日換飛澗風雨老孤松千岩萬壑秋重白氣接長空
一笑掀髯徐起蒼珮腰間相照猶自湧晴虹桑海幾番
覆人尙醉春風橫白石結綠綺送飛鴻十年夢事消
歇長劍吼青龍却笑人間多事一蝮蝸涎光景顛倒死
英雄雲日空濛裏玉鶴任西東

洞仙歌

弄香吹粉記前回酒困綠露沉沉轉花影翠簾深隱隱
紅霧依人荷月靜新樣雙鸞交映如今誰念省短雨
長雲曾托琵琶再三問最苦綠屏孤夜久星寒無處頓
風流心性又莫是偷香寄韓郎到漏洩春風一枝花信

過秦樓

眉黛山分鑿朱星合郁郁夜堂初見芙蓉寄隱苴寇傳
香便許翠鬟偷剪迎夜易羞欲晨先怯風流口口未慣
正流蘇帳掩綠玉屏深紅香月煖誰信道媚日難留
驚雲易散從此三橋路遠巢燕春歸剪花詞在難寄題
紅一片料想伊家如今羞傍琴窻慵題花院但碧桃影
下應對流紅自歎

齊天樂

淡雲荒草秋汀暮歸心又寒烟水論檻移花量船載酒
寂寞當年情味孤篷夜閉聽四壁松聲欲高還細似近

如遙露鴻聲亂楚天外
藍橋人斷歲久舊家曾共賞
九華花事艷雪初融生香自暖消得金蓮帖地相思破
睡謾一點琴心暗闕千里愁怯潮生曉帆風又起

鷓鴣天

鳳尾鬟香再疊梳藕絲衫嫩蹙雙魚閑收茉莉熏藤枕
自插芙蓉遶翠幙新浴後淺妝初衛夫人帖學行書
西窗一霎黃昏雨笑問新涼飲酒無

風流子

梨園花柳地扶殘醉曾記問妖嬈歎惹住輕烟柔絲未
改霏零疎雨膩粉先飄更低道花無三日艷柳有一年

嬌卷翠未遲醉紅易失共偎香影同賞良宵如今知
何處三山遠雲水一望迢迢旁砌青鸞好在誰送歸颺
但花下紅雲尚通夕照柳邊白月自落寒潮最是無端
子規啼破寒梢

水調歌頭

相聚不知好相別始知愁筍輿伊軋穿盡斜照古平洲
今夜荒風脫木明夜山長水遠後夜已他州轉覺家山
還何計去來休酒堪沾花可買月能留相思酒醒花
落五更頭長記疎梅影底一笛紫雲飛動相對大江流
此別無一月一月一千秋

隱居通議云此詞在涵婉沉細

李

演

字廣翁號秋堂有盟鷗集

朱繼芳靜佳乙葉題李秋堂盟鷗集相逢已恨十年遲買酒湖山一夜時明日送春仍送客柳花風颺鬢邊絲

摸魚兒

太湖

見絕妙好詞

又西風四橋疎柳驚蟬相對秋語瓊荷萬笠花雲重
嫋嫋紅衣如舞鴻北去渺岸芷汀芳幾點斜陽字吳亭舊
樹又繫我扁舟漁鄉釣里秋色淡歸鷺長干路草莽
疏烟斷墅商歌如寫羈旅丹溪翠岫登臨事苔屐尚黏
蒼土鷗且住怕月冷吟魂婉冉空江暮明燈暗浦更短
笛銜風長雲弄晚天際畫秋句

聲聲慢

同梅孤山

輕鶻繡谷柔屐烟隄六年遺賞新續小舫重來惟有寒
沙鷗熟徘徊舊情易冷但溶溶翠波如縠愁望遠甚雲
銷月老暮山自綠 頻笑人生悲樂且聽我樽前漁歌
樵曲舊閣塵封長得樹陰如屋淒涼五橋歸路載寒秀
枝疏玉翠袖薄晚無言空倚修竹

醉桃源 題小扇

雙鴛初放步雲輕香簾蒸未晴杏鎔暗淚結紅冰留春
蝴蝶情 寒薄薄日陰陰錦鳩花底鳴春懷一似草無
憑東風吹又生

南鄉子 夜宴燕子樓

芳水戲桃英。小滴燕支浸綠雲。待覓瓊觚藏綠信。流春
不似題紅。易得沉。天上許飛瓊。吹下蓉笙染玉塵。可
惜素鸞留不得。更深誤剪燈。花斷了心。

八六子 次賁房韻

乍鷗邊。一番腴綠流紅。又怨蘋花看晚。吹約晴歸路。夕
陽分落漁家。輕雲半遮。縈情芳草無涯。還報舞香一
曲玉瓢。幾許春華正細。柳青烟舊時芳陌。小桃朱戶去
年人面。誰知此日重來。繫馬東風淡墨。敲鴉暗窻紗人
歸綠陰自斜。

祝英臺近 次賀房韻

采芳蘋紫去。鰣歸步翠微。雨柳色如波。紫根滿烟浦東。
君若是多情未應花老。心已在綠成陰處。困無語柔。
被寒損梨雲。剛修牡丹譜。妬粉爭香。雙燕爲誰舞。年年
紅紫如塵。五橋流水知送了。幾番愁去。

劉 潤 字養源 號江邨

漢奎律髓注劉潤天台人嘗爲道士還俗學
唐詩有所悟千謁無成丙子年率
梅礪詩話天台劉潤以詩遊江湖後村西澗
二公嘗跋其吟稿集中有稱江曉泊詩云風
蕭蕭水瑟瑟淡烟空濛冠朝日灘頭古木如
畫出鸛鶴飛來添一筆又登昭亭一聯云東
風半綠官圩草西日遙紅別岸山皆警策可
喜

按蘋洲漁笛譜有再和劉養源六么令明月引諸詞

慶宮春

重登蛾眉亭感舊

見絕妙好詞

春翦綠波日明金渚鏡光盡浸寒碧喜濫雙蛾迎風一笑兩情依舊脉脉那時同醉錦袍濕烏紗鼓側英游何在滿目青山飛下孤白片帆誰上天門我亦明朝是天門客平生高興青蓮一葉從此飄然八極磯頭綠樹見白馬書生破敵百年前事欲問東風酒醒長笛

瑞鶴仙

海棠

向陽看未足更露立欄杆日高人獨江空珮鳴玉問烟鬟霞臉爲誰膏沐情閒景淑嫁東風無媒自卜鳳臺高

言部不送卷一二
貪伴吹笙驚下九天霜鶴 紅蹙花開不到杜老溪莊
已公茅屋山城水國歡易斷夢難續記年時馬上人酣
花醉樂奏開元舊曲夜歸來駕錦漫天絳紗萬燭

齊天樂 吳興郡宴遇舊人

玉釵分向金華後 回頭路迷仙苑落翠驚風流紅逐水
誰信人間重見花深半面尙歌得新詞柳家三變綠葉
陰陰可憐不似那時看 劉郎今度更老雅懷都不到
書帶題扇花信風高茗溪月冷明日雲帆天遠塵緣較
短怪一夢輕圓酒闌歌散別鶴驚心感時花淚濺

買陂塘 游天台鴈宕東湖 見浩然齋雅談

御風來翠鄉深處連天雲錦平遠臥游已動篷舟興那
在芙蓉城畔巾幘岸任壓頂嵯峨滿鬢絲零亂飛吟谷
殿載十丈青青隨波弄粉菰雨淚如霰斜陽外也有

仙妝半面無言應對花怨西湖千頃腥塵暗更憶鑑湖

一片何日見試折藕占絲絲與腸俱斷遐征漸勸當賴

尾湖頭綠波彩筆相伴老坡健

周公謹云此養源絕筆也

趙與洽

字景周號憩庵太祖十世孫秦
王德芳之後見宋宗室世系表

摸魚兒

梅

見陽春白雪

甚幽人被花勾引庭臯遙夜來去江空歲晚誰爲伴只
有瓊枝玉樹愁絕處望萬里瑤臺夢斷迷歸路花還解

語更雪琢精神水相韻度粉黛盡如土
飄仙袂曾綴蕊珠鴛鴦雲茵月障千步
莫教衣袖天香冷恐怨美人遲暮更起
舞任斗轉參橫翠羽曾知否塵緣自誤
終待與驂鸞乘風共去長作此花主

江城梅花引

單衾寒引畫龍聲雨初晴月微明竹外溪邊低見一枝
橫淡月疎花三四點春尙淺早相看似有情
夜來袖冷暗香凝恨半銷酒半醒靚妝照影未忺整雪艷冰清
只恐不禁愁絕易飄零待得南樓三弄徹君試看比從
前更瘦生

万俟紹之

字子紹郢人万俟卨曾孫有郢莊吟藁

方洪郢莊吟藁序郢人万俟子紹相家子也力學好修寓居琴川嘗登抑齋先生館惠王公門見聞卓犖故其文宏以肆負西北鯁亮氣不隨衆靡故其詩清以嚴兩上春官人期之與自期不薄也居亡何矣而卒

蝶戀花 春風

啼鴂一聲雲榭晚
好夢驚圓蓬島疑行遍
無緒東風簾
自捲香苞雪壓茶蘼院
似有還無烟色展
絮暖魚肥
時復吹池面
扇影著花蜂
蝶見藥闌春靜紅塵遠

風入松

一春心事與誰同
綠聚眉峯
小樓徹夜聽鳴雨
想西園

錦繡成空欄漾金魚池水鉤閒紫燕簾風 年時忻折
海棠紅來比芳容如今玉減香銷似怕輕寒懶出房櫳
塵滿謝娘吟卷從教飛絮濛濛

賀新郎

林陵懷古

夾背入飛鳥正江南梅雨初晴亂山浮曉鳳去臺空簫
聲斷惟有疎林鴉噪但空鎖吳時花草指點中原青山
外奈征塵迷望愁雲繞佳麗地漫凝眺 清風助我舒
長嘯問其中虛簾曲檻閱人多少風景不殊江山在况
是英雄未老且拚與尊前一笑欲說前朝興亡事喚謫
仙來共傳清醪歸路晚月明照

張紹文

字庶成
南徐人

水龍吟

春晚

見江湖後集

日遲風軟花香困人天氣情懷懶牡丹謝了酴醿開後
紅稀綠暗慵下妝樓倦臨鸞鏡粉輕脂淡歎韶華迤邐
將春歸去沈思處空腸斷長是愁蛾不展話春心只
憑雙燕良辰美景可堪虛負登臨心眼雁杳魚沉信音
難託水遙山遠但無言倚徧闌干十二對芳天晚

壺中天

爲兄鳳雲水月主人壽

丹臺仙伯馳縱跡當年瓊樓金闕底事來遊人世界爲
愛風雲水月結屋南園境隨人勝不是溪山別今朝初

度碧蓮千頃齊發 況是鴛侶新諧鳳雛
長占人間歡悅且盡壺天今夕醉聽取妙歌
干闥待得西風鶚書飛上更復青瑩物名
成歸去赤松還伴高潔

酌江月

淮城感興

舉杯呼月問神京何在淮山隱隱撫劍頻看
勲業事惟有孤忠挺挺宮闕腥羶衣冠淪沒
天地憑誰整一枰碁壞救時著數宜緊雖是
幕府文書玉關烽火暫送平安信滿地干戈
猶未戢畢竟中原誰定便欲凌空飄然直上
拂拭山河影倚風長嘯夜深霜露凄冷

沁園春

爲叔父雲溪主人壽

數遍時賢誰似雲溪米老得閒自抽身州縣歸休舊隱
灰心名利跳出塵寰卸却朝衣笑拈拄杖日在花陰竹
徑間身輕健任高眠晏起渴飲飢餐垂弧猛省當年
且約住春風開壽筵况園亭池館新奇佳麗弟兄子姪
歌笑團團綠髻朱顏綸巾羽扇做個人間長壽仙霞觴
舉願年年今日長對南山

史衛卿

鄧人

案宋史彌鞏之孫蒙卿著書立言一以朱子
爲法又史唐卿與兄蒙卿同登咸淳元年進
士則衛卿亦蒙卿兄弟行也

柳梢青

見江湖後集

言終不送卷十一
萼綠華身小桃花扇安石榴裙子野聞歌周郎顧曲誰
惱夫君悠悠羈旅愁人似零落青天斷雲何處銷魂

初三夜月第四橋春

黃

中

翁

李薺萼集送黃中入吳門詩曰行到鱖魚
鄉裏時一宮花清漾漣漪看春又過清明節
更把愁心說向誰
施和雲隱橫舟橈開鑑次夕以不寐離抱來
訪宏庵挑燈細語滿促忘歸卽事有賦時黃
澹翁在焉客裏情懷不自如夜深來訪子雲
告挑燈細接新翻白拂案同看架上書梧葉
敲風莖初冷菊香清雨鵲庭虛相逢且與開
眉笑暮遣吟邊酒琰疎

瑞鶴仙

用陸淞韻

見陽春白雪

睡餘拋倦枕憶篆鼎香銷起來慵整晴光破清冷正柳
黃梅淡染金勻粉茶甌隽永試經行桐花舊井記前回
未緣鴛波近日燕芹青盡因省春風如舊人面何歸
對時傷景樓高望迴潮有信雁無準任相如多病沈郎
全瘦都沒音塵寄問使倣無阿鵲頻頻可能睡穩

蘇茂一

字才叔
號竹里

鄒登龍梅屋吟和竹里蘇才叔見梅懷友韻
云徘徊江路側何以慰相思陽彩來寒樹貞
姿倚莫離飄零懷遠道還索負芳時佇立幽
吟若餘懷將訴誰

鎖窗寒

重遊東湖

見陽春白雪

雲浦蒼寒烟堤暮翠舊痕新漲春愁十里冉冉碧絲搖

蕩記登臨少年思高唾壺擊玉歌清壯到如今夢裏秋
風鴻陣晚波漁唱惆悵重來處望畫舫天邊響絲原
上山陰秀句付與一聲雲鬢正東湖誰家柳下午陰漠
漠人蕩槳最堪憐白髮周郎爲江山自賞

點絳脣

翠竹藏烟杏紅流水歸何處透簾穿戶更灑黃昏雨
織錦題書誰寄愁情去渾無緒綠楊千縷不似真眉嫵

祝英臺近

結垂楊臨廣陌分袂唱陽關穩上征鞍目極萬重山歸
鴻若到伊行丁寧須記寫一封書報平安漸春殘是

他紅褪香收綃淚點斑斑枕上盟言都作夢中看銷魂
啼鴉聲中楊花飛處斜陽下愁倚闌干

按詞律祝英臺近只收夢窓一

調此獨用平宋詞中不多見也存之以備一體

丁

默字無隱
號書塢

齊天樂

重游鄱陽

見陽春白雪

兩株烟柳荒城外依依暮帆曾駐小扇障塵輕輿帖岸
誰料重行吟處流光暗度悵蘭渚春移葦汀秋聚可奈
清愁快呼艇子載將去 中年懷抱易感甚風花水葉
猶似孤旅伴崔幽期隨鶯樂事還是情乖意負衣塵帽
土但杜鵑堪羞賀囊徧富待報山靈莫教雲壑妬

詞系補遺卷十二
華胥引

論交眉語惜別心啼費情不少蕙渺溱期蘋深汜約輕
誤了幾度金鑄相思又燕歸鴻杳誰料如今被鶯閑占
春早 頻把愁勾惜鴉靈嬌紅猶遶渾拚如夢爭奈枕
醒屏曉欲寄芙蓉香半握怕不禁秋惱除是親逢片帆
雙度天杪

齊天樂

庚戌元夕都下遇趙立之

倦雲休雨風還作交相醒花蘇柳字滿吟灰痕添坐席
贏得新愁癡守歸期未有負小院移蘭故園嘗韭謾道
春來沈腰惟覺似秋瘦 燒燈時候是也楚津留野艇

曾趁芳友問月賒晴憑春買夜明月添香解酒口知別
久悵帝陌論心客塵侵首戲鼓聲中舊情猶在否

姚

勉

字述之一字成一高安人寶祐元年廷對第
一除校書郎兼太子舍人有雪坡詞一卷
四庫全書總目姚勉登第後上疏請讓其師
樂雷發理宗詔親試對選舉入事賜待科第

一人

霜天曉角

湖上泛月歸

秋懷軒豁痛飲天機發世界只如掌大筭只有醉鄉濶
烟抹山態活雨晴波面滑艇子慢搖歸去莫攪碎一

湖月

柳梢青

憶西湖

長記西湖水光山色濃淡相宜豐樂樓前湧金門外買
小船兒而今又是春時清夢只孤山賦詩綠蓋夫容
青絲楊柳好在蘇堤

賀新郎

憶別

薄晚收殘暑歎西風暗換流年又還如許鴉背斜陽初
斂影雲淡新涼天宇人袖手闌干凝佇隣笛喚將鄉思
動聽愁聲又入梧桐雨秋到也尙羈旅故人只在江
南清相應嫌久戀東華軟紅塵土寄遠裁衣知念否新
月家家砧杵魂夢想聽黃金縷雁影不來天更遠寫書
成欲寄憑誰與知客恨兩蛩語

又

窻月梅花白夜堂
深燭搖紅影繡簾垂額半醉金釵嬌
映坐寒處也留春色深意在四弦輕摘香塢花行聽啄
木翠微邊細落仙人屐星盼轉趨嬌拍 人間此手真

難得向樽前相逢有分底須相識愁淺恩深千萬意惆
悵故人雲隔怕立損弓鞋紅窄換取明珠知肯否綠窻
深長共春憐惜休憚亂坐中客 妓與惜善琵琶程秋幹席上作

陳 著

字子微號本堂鄞縣人寶祐四年進士官著作郎出知嘉興府忤賈似道改臨安通判有

本堂集九十
二卷詞二卷

延祐四明志載陳著題勝國院詩云轉路便幽深曾來不用尋寺依仙石脚僧識老岩心

詞綜補遺卷十二

七

是處鬼無墓此山松自林滔滔未涯事分付
一蟬吟

惜分飛 吳氏館寄內董氏

築壘愁城書一紙雁雁兒將不起好去西風裏到家分
付顰眉底 落日闌干羞獨倚十里江山萬里容易成
憔悴惟歸來還是歸去是

按詞律載此調五十字今末句多一字當是又一體

霜天曉角 丙寅十一月十七日江行作

江寒雁咽短棹還催發曾是玉堂仙伯相別處滿篷雪
此別那堪說遡風空淚血惟有梅花依舊香不斷夜
來月

又 丙寅十一月十一日阮橋風雨有題此曲前一
段與今日情味同因錄於此

一聲阿鵲人在雲西角信有黃昏風雨孤燈酒不禁酌
錯錯誰誤着明知明做却願寄香箋歸去教看了細
揉嚼

卜筮子

嘲二十八兄

風急雁聲高露冷蛩吟切枕剩衾寒不耐煩長是傷離
別望得眼兒穿祇得心兒熱且喜重陽節又來黃菊
花先發

如夢令

西湖道中

家在明山南任身在明山西路回首碧雲天自笑不如
飛鷺飛去飛去飛入明山深處

鷓鴣天

和黃虛谷石榴韻

看了山中薜荔衣
手將安石種分移
花鮮絢日猩紅妒
葉密乘風翠羽飛
新結子老垂枝
老來眼底轉多宜
齒牙不入甜時樣
醋了何妨薦酒卮

摸魚兒

壽虛谷

竹洲西有人如玉

一作玉手探取冰胸次

南柯一覺歸早青山綠

水亭軒舊猶有未荒花草誰信道又自愛湖光

一作還自要問

郭裏買屋三間小都無長好但鳳躍雄文蠅書小楷轉

老轉奇妙 人間世如許年高似少浮生惟有問好圓

頭翻訝穉溪叟輕把一絲拋了涼乍到記當日天香露

浴如今老瑤卮壽曉稱酒到眉間醺醺醉也兒女滿前
笑

又日隨湖南安撫隨德修自長沙回至魯港值其生

碧油幢一開藩後便思量早歸去工夫若緊新城好風
月萬家笙鼓遊晏處要管領春光補種花無數何須更
駐只畫了瀟湘扁舟輕發揮手謝南楚江帆細撐入
清溪綠樹家山三兩程路安排小馬追隨猿崔勾引詩
朋酒侶瀟灑處是則是初心只恐難留駐忙須着句把
泉石烟霞平章一遍回首鳳綸舞按詞律歐陽公作一百十七字句法與此互異當是又一體萬氏失載

洞仙歌

次韻蘇子瞻

冰肌玉骨自清涼無汗午夢醒來貯嬌滿扇輕拈又放
淺炷蘭薰微笑處吹著烟絲散亂涼亭還獨步曾是
憑闌携手心盟指雲漢碧海信沈沈望絕魚箋腸欲斷
千回萬轉謾竚立無言對荷花看轉眼秋風翠移紅換
羅椅字子遠號澗谷廬陵人寶祐四年進士以秉義郎爲江陵教官改潭州復知贛信豐縣遷提轄惟貨度宗升遐失於入臨諭罷
按齊東野語記羅澗谷嘗遊學盛時依託求進道學勢衰之後遂棄去不相問問其行事誠不足取又明偶桓運元人詩爲乾坤清氣集有澗谷謝幼興折齒歌一首蓋其人入元尚在也

更漏子

見陽春白雪

晚潮生涼月細一抹遠山無蒂收越棹起吳檣人間何
限忙石頭城西北角杳杳天低鶻落渾不似此波光
清歌催夕陽

清平

明虹收雨兩漿能吳語人在江南荷葉浦採得蘋花無
數夢中舞燕棲鸞起來烟渚風灣一點愁眉天末憑
誰剗却春山

八聲甘州

孤山寒食

甚匆匆歲月又人家插柳記清明正南北高峰山傳笑

響水泛簫聲吹散樓臺烟雨鶯語諄春晴何所無芳草
惟此青青誰管孤山山下任種梅月冷薦菊泉清看
人情如此沉醉不須醒問何時樊川歸去歎故鄉七十
五長亭君知否澗雲溪竹笑我飄零

李振祖

號中山
閩縣人

寶祐四年登科錄第四甲第十三人李振祖
字起翁第萬一慈侍下年四十六二月丁酉
日丑時生外氏趙一舉娶劉氏曾祖簡能御
史祖蛟承義即父寧本貫福州閩縣祖爲戶

浪淘沙

見絕妙好詞

春在畫橋西畫舫輕移粉香何處度漣漪認得一船楊
柳外簾影垂垂誰倚碧闌低酒暈雙眉宛央並浴燕

交飛一片間情春水隔斜日人歸

李曾伯

字長孺號可齋覃懷人寓居嘉興寶祐中進士通判濠州歷官湖南安撫使進觀文殿學士又知慶元府兼沿海制置使有可齋類藁

點絳脣

饒陳次賈

嬾上危樓楚江一望天無際漫游萍記莫挽東流水

一片秋光直到山陰里人還記戍邊歸未更憶鱸魚美

齊天樂

和陳次賈爲壽

今年塞上秋來早鼎街尙餘芒耀舉目關河驚心弧矢
顧我豈堪戎纛幾番鳳誥愧保障何功恩隆旒藻笑指
呼鷹露花烟草憶劉表頭顱如許相與歲寒猶賴有

白髮公道對月懷人臨風訪古往事淒涼難考何時是

了莫馳志伊吾貪名清廟松菊歸來稽山招此老按可齋類

稟仲宣樓記云接江陵志樓名昉於祥符復於紹興淳祐十年賈公似道爲制置使重新是樓夏六月易鎮全淮覃懷李某繼之如前畫越半募告成蜡月二十有五

陳

策

字次賈號南墅上虞人以功授武階

摸魚兒

仲宣樓賦

見絕妙好詞

倚危梯酌春懷古輕寒纔轉花信江城望極多愁思前
事惱人方寸湖海興筭合付元龍舉白澆談吻憑高試
問問舊日王郎依劉有地何事賦幽憤沙頭路休記
家山遠近賓鴻一去無信滄波渺渺空歸夢門外北風

妻緊烏帽整便做得功名難綠星星髻敲金未穩又白
鷺飛來垂楊自舞誰與寄離恨

滿江紅 楊花

倦繡人閒恨春去淺顰輕掠章臺路雪黏飛燕帶芹穿
幕委地身如遊子倦隨風命似佳人薄歎此花飛後更
無花情懷惡 心下事誰堪托憐老大傷飄泊把前回
離恨暗中描摸又趁扁舟低欲去可憐世事今非昨看
等閒飛過女牆來秋千索

趙

潛

字元晉號水壺潭州人忠靖公葵
子咸淳中沿江制置使知建康府

三朝政要廣王登極於福州改元景炎以趙
潛爲江西制置使

蔣子正山房隨筆云趙靜齋淮被執死於瓜洲其兄冰壺潛自京口遷金陵北兵至棄家而逃南徙不返死葬海旁山上

臨江仙

西湖春泛

見絕妙好詞

隄曲朱牆近遠山明碧瓦高低好風二十四花期驕驄穿柳去文鵲挾春飛
簫鼓晴雷殷殷笑歌香霧霏霏
間情不受酒禁持斷腸無立處斜日欲歸時

吳山青

水仙

金璞明玉璞明小小杯拌翠袖擎滿將春色盛
仙珮

鳴玉珮鳴雪月中過洞庭此時人獨清

葉

閨
曉直

按吳錫鬯詩集載咸淳間南康守葉間聘
主白鹿洞書院不赴是間於度宗時曾官江
右惜其籍貫無考

摸魚兒

見陽春白雪

倚薰風畫閣亭午采蓮柔艣如語紅裙濺水鴛鴦濕幾
度雲朝雨暮遊冶處最好是小橋芳樹尋幽趣繡簾低
護任涼入霜紈月侵冰簟長夏等閑度都如夢悵望
遊仙舊侶遺踪今在何許愁余渺渺瀟湘浦檻竹空敲
朱戶黯無緒念多情文園曾草長門賦酒酣自舞笑滿
袖緇塵數莖霜鬢羞煞照溪鷺

廖瑩中

字羣玉號荊州邵武人登第後爲賈
似道客嘗爲大府丞知某州皆不就

齊東野語賈師憲當國日臥治湖山作堂曰
半閒又治圃曰養樂然名爲就養其實枯槁
固位欲罷不能也每歲八月八日生辰四方
善頌者以數千計悉俾翹館膳考以第甲乙
一時傳誦爲之紙貴然皆諛詞巽語也廖瑩
中趙從橐郭居安詞云云

木蘭花慢 壽賈師憲

請諸君著眼來看我福華編記江上秋風鯨鯨漲雪雁
微迷烟一時幾多人物只我公隻手護山川爭睹階符
瑞象又扶紅日中天因懷下走奉纛鞭磨盾夜無眠
知重開宇宙活人萬萬合壽千千鳧鷖太平世也要東
還赴上是何年消得清時鐘鼓不妨平地神仙

趙從橐

陂塘柳 前題

指庭前翠雲金雨霏霏香滿仙宇一清透徹渾無底秋水也無流處君試數此樣襟懷頓得乾坤住閒情爾許聽萬物氤氲從來形色每向靜中覷琪花路相接西池壽母年年弦月時序荷衣菊珮尋常事分付兩山容與天證取此老平生可向青天語瑤巵緩舉要見我何心西湖萬頃來去自鷗鷺

郭居安

字應酉

黃震古今紀要逸編賈似道始生之日錢塘宰郭應酉以詞賀之云云賈甚稱賞遂除官告院既而語客曰此詞固佳安得有著綵衣周公乎三月三蓋頌庚申歲草坪之擬歸舟

話續補遺卷十二
乃勸齋名也

聲聲慢 前題

捷書連晝甘灑通宵新來喜心堯眉許大擔當人間佛
力須彌年年八月八日長記他三月三時平生事想祇
和天語不遣人知一片開心鶴外被乾坤繫定虹王
腹圍闔闔雲邊西風萬籟吹齊歸舟更歸何處是天教
家在蘇堤千千歲比周公多箇彩衣

李重元

楊慎詞林萬選云元人北曲一半兒卽是此調

憶王孫

萋萋芳草憶王孫
柳外樓高空斷魂
杜宇聲聲不忍聞
欲黃昏雨打梨花深閉門

李次山

佩文齋書畫譜宋人李次山工山林人物

浣溪沙

見陽春白雪

花圃縈回曲徑通
小亭風捲繡簾重
秋千閑倚畫橋東
雙蝶舞餘紅面旋
交鶯啼處綠蔥籠
遠山眉黛晚來濃

詞綜補遺卷十二